



Broj/Број: 01/2a-50-1-2-35/08
Sarajevo/Сарајево, 02. 12. 2008. godine

ZAPISNIK

35. sjednice Komisije za vanjske poslove Predstavničkog doma Parlamentarne skupštine Bosne i Hercegovine, održane 18.11. 2008.

Sjednica Komisije je počela u 12.00 sati. Sjednici su prisustvovali članovi Komisije: Slavko Matić, Azra Hadžiahmetović, Milica Marković, Husein Nanić, Azra Alajbegović, Sadik Ahmetović i Sefer Halilović.

Sjednici nisu prisustvovali Milorad Živković zbog službenog puta i Denis Bećirović.

Osim članova Komisije sjednici su prisustvovali i Mitar Pavić ispred Ministarstva vanjskih poslova BiH, Midhat Salić ispred Ministarstva vanjske trgovine i ekonomskih odnosa BiH, Nikola Sladoje ispred Ministarstva pravde BiH i Miroљjub Krunic ispred ministarstva finansija i trezora BiH.

Zapisnik su vodili Merdžana Iglica sekretar Komisije, i Miroslav Stanišić stručni saradnik u Komisiji za vanjske poslove.

Predsjedavajući Slavko Matić je na početku pozdravio prisutne članove Komisije za vanjske poslove i predstavnike Vijeća ministara BiH i otvorio raspravu o dnevnom redu.

Nije bilo rasprave niti novih prijedloga i članovi Komisije su jednoglasno usvojili sljedeći

DNEVNI RED

1. Usvajanje zapisnika sa 34. sjednice Povjerenstva;
2. Davanje mišljenja o saglasnosti za ratifikaciju:
 - a) Sporazuma između Bosne i Hercegovine i Vijeća ministara Republike Albanije o recipročnom unapređenju i zaštiti investicija, (resorno ministarstvo: Ministarstvo vanjske trgovine i ekonomskih odnosa BiH);
 - b) Evropskog sporazuma o dostavljanju molbi za pravnu pomoć – Strazbur, 27. januar 1977. godine, (resorno ministarstvo: Ministarstvo pravde BiH);
 - c) Ugovora o finansiranju između Bosne i Hercegovine i Federacije Bosne i Hercegovine i Evropske investicione banke – *Projekat vodovoda i kanalizacije u Federaciji BiH*, (resorno ministarstvo: Ministarstvo finansija i trezora BiH);

- d) Sporazuma o kreditu između Bosne i Hercegovine koju zastupa Ministarstvo finansija i trezora i BANK AUSTRIA CREDITANSTALT AG – *Projekat izgradnje vodovoda Fojnica – Kiseljak i kanalizacionog kolektora Lepenica – Kiseljak*, (resomo ministarstvo: Ministarstvo finansija i trezora BiH);
3. Upoznavanje sa izvješćima i informacijama pristiglim na Povjerenstvo do održavanja sjednice (za informaciju):
- Izvješće sa jesenjih sastanaka Parlamentarne Skupštine OEBS-a, održanih u Torontu od 17. do 21. 09. 2008.godine.
 - Izvješće s regionalnog parlamentarnog sastanka "Jačanje institucionalnog okvira parlamentarne saradnje u Jugoistočnoj Evropi", održanog u Kišinjovu, Moldavija, 30. i 31. 10. 2008.
 - Informacija sa 63. zasjedanja Generalne skupštine UN, Njujork, 22. – 29. 09. 2008. godine.
 - Izvješće sa 119. zasjedanja Skupštine Interparlamentarne unije, Ženeva, od 13. do 15. 10. 2008. godine.
 - Izvješće sa seminara za državne službenike "Promocija slobode medija – uloga nacionalnih parlamenata" Strasbourg, Francuska, 27. i 28. 10.2008. godine.
4. Tekuća pitanja;
- Informacija iz MVP-a BiH o posjeti Povjerenstva za vanjske poslove parlamentu Republike Estonije.
 - Detalji vezani za putovanje Povjerenstva za vanjske poslove u Republiku Hrvatsku.

Ad. 1. Usvajanje zapisnika sa 34. sjednice Povjerenstva;

Nije bilo rasprave i članovi Komisije su jednoglasno usvojili zapisnik sa 34. sjednice Komisije.

Ad. 2. a) Davanje mišljenja o saglasnosti za ratifikaciju Sporazuma između Bosne i Hercegovine i Vijeća ministara Republike Albanije o recipročnom unapređenju i zaštiti investicija;

Slavko Matić je na početku zamolio predstavnika Ministarstva vanjskih poslova da kaže da li je ispoštovana procedura pripreme izlaska sporazuma iz Vijeća ministara i Predsjedništva u prvom koraku.

Mitar Pavić iz Ministarstva vanjskih poslova BiH je kazao da su svi Sporazumi i Ugovor prošli neophodnu proceduru.

Nakon toga Slavko Matić je zamolio predstavnika Ministarstva vanjske trgovine i ekonomskih odnosa BiH da kaže nešto o samom Sporazumu.

Midhat Salić je kazao da je ovaj Sporazum jedan u nizu Sporazuma te vrste. On je kazao da je Sporazum potpisan sa namjerom da se stvaraju i održavaju povoljni uslovi za investiranje jedne Ugovorne strane na teritoriji druge Ugovorne strane, te da će unaprijeđenje i recipročna zaštita

investicija doprinijeti stimulaciji poslovne inicijative i povećati ekonomski prosperitet obiju Ugovornih strana.

Nije bilo rasprave i članovi Komisije su jednoglasno dali pozitivno mišljenje Predstavničkom domu Parlamentarne skupštine BiH u vezi sa ratifikacijom ovog Sporazuma.

Ad. 2. b) Davanje mišljenja o saglasnosti za ratifikaciju Evropskog sporazuma o dostavljanju molbi za pravnu pomoć – Strazbur, 27. januar 1977. godine;

Nikola Sladoje iz Ministarstva pravde BiH ie ukratko kazao da je ovo jedan od Sporazuma kojim se pomaže građanima da lakše ostvaruju svoja prava u državama članicama. Sporazumom se reguliše da svako lice, koje ima stalni boravak na teritoriji jedne od strana ugovornica i koje želi da zatraži pravnu pomoć u građanskim, trgovačkim i administrativnim stvarima na teritoriji druge strane ugovornice, može da podnese molbu za pravnu pomoć u državi njegovog stalnog boravka.

Članovi Komisije su jednoglasno i bez rasprave dali pozitivno mišljenje Predstavničkom domu Parlamentarne skupštine BiH u vezi sa ratifikacijom ovog Sporazuma.

Ad. 2. c) Davanje mišljenja o saglasnosti za ratifikaciju Ugovora o finansiranju između Bosne i Hercegovine i Federacije Bosne i Hercegovine i Evropske investicione banke – Projekat vodovoda i kanalizacije u Federaciji BiH;

Ad. 2. d) Davanje mišljenja o saglasnosti za ratifikaciju Sporazuma o kreditu između Bosne i Hercegovine koju zastupa Ministarstvo finansija i trezora i BANK AUSTRIA CREDITANSTALT AG – Projekat izgradnje vodovoda Fojnica – Kiseljak i kanalizacionog kolektora Lepenica – Kiseljak;

Predsjedavajući Slavko Matić je s obzirom da su Ugovor i Sporazum u resoru istog ministarstva i da su usko povezani zamolio predstavnika resornog ministarstva da objedinjeno kaže nešto i o jednom i o drugom.

Miroljub Krunic ispred Ministarstva finansija i trezora BiH je kazao da se radi o sporazumima koji direktno doprinose javnom zdravlju i okruženju u Bosni i Hercegovini. Sporazum sa evropskom investicionom bankom koji se odnosi na finansiranje izgradnje vodovoda i kanalizacije u opštinama Federacije Bosne i Hercegovine glasi na iznos od 60 miliona eura a projekat u cjelini vrijedi 121 milion eura. Projekat se finansira po standardnim uslovima koje nudi evropska investiciona banka. Rok otplate je 25 godina sa 6 godina grejs perioda, sa tržišnom kamatnom stopom. Projekti se tiču oko 15 opština koje su kandidovane za finansiranje ali je projekat otvoren i za nove opštine koje budu imale afiniteta da korista ovakva sredstva.

On je kazao da se Sporazum sa bankom Austrije odnosi na finansiranje kanalizacionog cjevovoda Lepenica – Kiseljak i vodovoda Fojnica – Kiseljak. Kredit je beskamatni od 4.995.149 eura, plaćaju se troškovi garancije od 1.23 % godišnje, jednokratna naknada od 0.45 % po potpisivanju Sporazma te naknada od 0.30 % za nepovučena sredstva. Kredit se uzima na 13.5 godina sa 6 godina grejs perioda.

Nije bilo rasprave i članovi Komisije su sa šest glasova za i jednim protiv dali pozitivno mišljenje Predstavničkom domu u vezi sa Ugovorom iz tačke 2. c), i Sporazumom iz tačke 2. d) dnevnog reda.

Ad. 3. Upoznavanje sa izvješćima i informacijama pristiglim na Povjerenstvo do održavanja sjednice (za informaciju):

- **Izvješće sa jesenjih sastanaka Parlamentarne Skupštine OEBS-a, održanih u Torontu od 17. do 21. 09. 2008.godine.**
- **Izvješće s regionalnog parlamentarnog sastanka "Jačanje institucionalnog okvira parlamentarne saradnje u Jugoistočnoj Evropi", održanog u Kišinjovu, Moldavija, 30. i 31. 10. 2008.**
- **Informacija sa 63. zasjedanja Generalne skupštine UN, Njujork, 22. – 29. 09. 2008. godine.**
- **Izvješće sa 119. zasjedanja Skupštine Interparlamentarne unije, Ženeva, od 13. do 15. 10. 2008. godine.**
- **Izvješće sa seminara za državne službenike "Promocija slobode medija – uloga nacionalnih parlamenata" Strasbourg, Francuska, 27. i 28. 10.2008. godine.**

Članovi komisije su bez rasprave konstatovali da su primili k znanju navedene informacije.

Ad. 4. Tekuća pitanja;

- **Informacija iz MVP-a BiH o posjeti Povjerenstva za vanjske poslove parlamentu Republike Estonije.**
- **Detalji vezani za putovanje Povjerenstva za vanjske poslove u Republiku Hrvatsku.**

Kada je u pitanju posjeta Povjerenstva za vanjske poslove parlamentu Republike Estonije, sekretar Komisije Merdžana Iglica je informisala članove Povjerenstva da je estonska strana vrlo zainteresirana da primi Komisiju u posjetu i da predlaže da se to realizira početkom 2009. godine, te da će naknadno biti utvrđen tačan termin posjete.

Kada je u pitanju posjeta Hrvatskom saboru Merdžana Iglica je upoznala članove Komisije sa programom posjete i sa tehničkim detaljima posjete.

Sjednica je završena u 12.35. sati.

Zapisnik sačinio:

Miroslav Stanišić, stručni saradnik u Komisiji za vanjske poslove

Sekretar Komisije

Merdžana Iglica

Predsjedavajući Komisije

Slavko Matić